

Na osnovu člana 16. stav 2. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj: 7/10), člana 67. stav (1) Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15 i 91/15), člana 19. stav 1. tačka 2), člana 21. stav 4. i 5. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09 i 44/10), člana 9. stav (2) Zakona o izvršavanju Budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15) i člana 4. Odluke Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona („Službene novine Zeničko-dobojskog kantona“, broj: 4/15), Vlada Zeničko-dobojskog kantona, na svojoj 37. sjednici, održanoj 18.12.2015. godine, d o n o s i

ODLUKU

o dugoročnom kreditnom zaduženju Zeničko-dobojskog kantona u 2015. godini

Član 1.

(Odobranje kreditnog zaduženje Zeničko-dobojskog kantona)

Nakon okončanog postupka javne nabavke izbora najpovoljnijeg ponuđača za dugoročno kreditno zaduženje Zeničko-dobojskog kantona u 2015. godini, za LOT-u 2 javnog poziva, odobrava se dugoročno kreditno zaduženje Zeničko-dobojskog kantona u 2015. godini u iznosu od 8.000.000,00 KM (slovima: osammiliona i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita (maksimalni iznos glavnice duga): do 8.000.000,00 KM (slovima: osammiliona i 00/100 KM), plus pripadajuće kamate,
- b) okvirna vrijednost ugovora (ukupan iznos kamate sa svim drugim troškovima kredita izražen u KM za cijeli period otplate kredita), u iznosu do maksimalno: 1.585.292,74 KM, koju je ponuđač izrazio u procentu kamatne stope od 6,82%,
- c) rok otplate kredita: do 63 mjeseca (u koji nije uključen grace period),
- d) grace period: do 31.12.2015. godine (ne uračunat u rok otplate),
- e) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem,
- f) sredstvo obezbjeđenja: mjenice (bez hipotekarnog obezbjeđenja),
- g) svrha zaduženja: finansiranja budžetskog deficita Zeničko-dobojskog kantona,
- h) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2015. godinu i Zakonom o izvršavanju Budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 2/15),
- i) Uvjeti otplate: kvartalna otplata,
- j) Pretpostavljeni rok povlačenja sredstava: 2,5 mjeseca.

Član 3.
(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona kao ugovornog organa, sa Sberbank BH dd Sarajevo, Fra Anđela Zvizdovića 1., 71000 Sarajevo – nosocem Konzorcija banaka, u ime izabranog ponuđača Konzorcija Banaka (koji čine još i Union banka dd Sarajevo – član Konzorcija banaka i Moja banka dd Sarajevo - član Konzorcija banaka), potpiše Ugovor o dugoročnom kreditu u iznosu do 8.000.000,00 KM (slovima: osammiliona i 00/100 KM), za LOT-u 2 javnog poziva, pod uslovima iz člana 2. ove odluke, na koje je Vlada dala saglasnost, da potpiše mjenice kao sredstvo obezbjeđenja navedenog kredita, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.
(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____15.
Datum, 18.12.2015. godine
Zenica

PREMIJER

Miralem Galijašević

DOSTAVLJENO:

1x Skupština Zeničko-dobojskog kantona,
1x Stručna služba Vlade,
1x Ministarstvo finansija,
1x „Službene novine Zeničko-dobojskog kantona“
1x a/a.